

الباب الرابع شعره بعد خروجه من السجن

1997/7/18م

رد الشاعر المرحوم المبروك الزول على قصيدة :

مركب غلاهم فوق راسى راسى *** منه انعانى نين ناسى ناسى
كأثر همى *** وجور الغلا هيس ونزح دى..
حالى كما حال الفريد الذمى *** حلال فى اشروع الدين قصة راسى
ان ريتى صفا ليام لاتهمى *** الشحط والرخا رى كريم امواسى
راسى ديمه *** مركب غلاهم من اسنين قديمه..
لكن الدنيا عندها تبريمه *** لازم ايددع جسمها غطاسى
ولازم انجاورها وتبنى خيمه *** ونزح احذاها وايتقوا به ساسى
وغامض السين ايبان واضح جيمه *** وياتى زمان اتروق فيه انفاسى
ويمشى الوقت اللى تفاضح ضيمه *** واساع نرها من جديد بناسى

رد الشاعر المبروك الزول على أستاذه في مادة اللغة العربية خالد موسى شعيب الذي كان يشير إلى المناضل عبد الونيس محمود الذي حكم عليه بالاعدام يوم 17 أكتوبر عام 1970م ، وهو اليوم الذي أصدر فيه النقيب سليمان شعيب رئيس المحكمة العسكرية الخاصة الثانية أحكامها القاسية عليه وبقي بالسجن ثمانية عشر عاما وبعد خروجه في 1988/3/3م غادر الوطن للعلاج بالخارج ثم أقام باليونان لاجئاً سياسياً لأكثر من عشرين عاماً، تذكر المبروك الزول الأماكن التي كانوا يترددون عليها في شبابهم وبعد خروجهم من السجن

شحات 1997م

يا طريق يا مدرويه * بالك اتجيبهم ابعاد الجويه
يذرفن مازالن .. الله ايسامحه خالد دموعى سالن... خطر على اعزاز نين انهالن

ادموعى سَيَل وتميت نبكى كى ابكا العويل...

جبد ذكر ناس اجواد ناض اوهيل اشبوب زعت غيضهن الوقت اشالن

الدموع اجارا وياتن انظارى عالوساد سمارا..

تهالين منازل غوشنا واديارا امفير فى منامى عالمطارح جالن..

الشعبه وكاف السمن والقطاره واجنانات هندی يشهدن مازالن

وقبر الشهيد اللى عزيز مزاره واقبور ناس لو يمكن انقولوا قالن

وما من اوجيها زين جا وتوارا ... مالغصه بعد ليام شوره مالن...

جذع كان يسما وله مقداره وودع الدنيا كى امراضه طالن..

خطرها الا مدعى تريس عصارا عزانا عليهم دمع به يتهالن

انظارى عليهم بالدموع غزارا غالباتى فاللى نهى ما سالن

..

لقد زرت عبد الونيس محمود رفقة اللواء عمر الحريري في اثينا في شهر يوليو عام

2011م عندما كنا مكلفان من المجلس الانتقالي لزيارة اليونان وطلب مساعدتها

والاعتراف بثورة 17 فبراير حيث ذهب معنا عبد الونيس محمود إلى وزارة الخارجية

والجامعة ومكتب رئيس الوزراء باعتباره لاجئاً سياسياً باليونان.

كان عبد الونيس مشتاقا لرؤيتنا في غربته وأبدى فرحته العارمه بثورة 17 فبراير
وكانت صحته لازالت محتاجة للعلاج لكن حنينه الجارف للوطن لا يمكن تصوره وهو
يسرد سنوات الظلم والقهرمع رفيقه الحريري لهذا الوطن.

كتب هذه القصيدة في زيارة لجامعة عمر المختار:

سيدك عمر يا ما لهد بحصانه *** ويا ما معا لاجواد شال عنانه
سيدك عــــدا *** لا يوم ذل ولا نهار اجــــدا...
ياما طلع تحته احصان وعده *** لاقوت عنده لا اركب سحوانه
عنده رفاقا يدهم في يده *** لا هربوا لا رضوا الوطنك هانه..
اجواد ينغروا عالوطن وقت الشده *** فرسان قسوا ما رضوا بدور عفانه...
سريب الفلامو عيب لكن حده *** امتحز مكانك هذا موش مكانه
سيدك وينــــه *** او وين الرفاقا وينهم يا زينــــه...
اللى قبل كانوا والبلاد حزينه *** ما الهم عالغازى عروق حنانه...
بيش يا مليحه يخلصوا في دينه *** ايهدوا اتقول ارتال حرب ديانه..
واليوم يا مليحه وين نحنا جينا *** القينا هنا وانفوسنا مطمانه
ياما كمن ال عــــدوه *** ويا ما اداعا عالمهاجر جــــوا...
فارس ثرى وطنه ابدمه روا *** وروحه امسبها ال عز كيانه...
وما من نهار شديد قاطب نوا *** نال فيه عز النصر في ميدانه...

قال المبروك الزول بعد اعاقته وتخلي الأصحاب عنه :

الى يطيح مو مالنسريه	***	عليه ما يسالوا رفاقه..
ولا بيان فوق امشييه	***	ولا عاد يحضر املاقا
لو كان بدر يمشوا بضيه	***	فى ليل نجمه غرقا
ما عاد تسمع زفييه	***	ورا غزى كوكش انياقا
ولا ينسمع حس ادقليه	***	فى يوم عالي اقناقا
ولا عد ايفك الرمييه	***	ولا ايرد مالذود ناقه
ولا عد ايخش اخلويه	***	بميعاد رابخ طلاقه
ولا عد ايكافى بسويه	***	حتى لو امسك من اخناقه
الفارس اللى مالنسريه	***	شيخ من اصحاب اللياقه
عالميعاد كى تصعب قضيه	***	يجيب حلها فى لباقه
عليه هله لو صارت ازيه	***	بياتوا مناكيد ليله افراقه
وهو قبل يردع الميه	***	وان مات ينحسب بالف ناقه
ماعاد يسوا وفييه	***	راح مالعجز فى ابراقا
يالله ياغافر السيه	***	خفف اذنوب الرفاقا
ونا زاد خفف عليه	***	شدة حسس هالعاقه
وخفف عل الناس جمليه	***	راهم عبادك وهاقا
كى تجود عندك مزيه	***	تمسح اكبود الزماقا
وصلوا صلانا زكييه	***	على شقيعنا فى رواقه

قصيدة النخيلة

اللاتنين 2001/5/21م :

بالله وين يا أنخيله أسماح السيرة.....اللي جاوروك أيم عز الجيرة
 أسماح الطاري.....اللي جاوروك أيام عزك ضاري
 سبجانه اللي كتب عليك الباري...اليوم تصهدي يانك أتقولي سيرة
 وهو قبل حايطبك أسناح أشماري...وأبقيتي وحيدة لا حطب لا غيره

وينهم ما بانوا.....جيرانك اللي محلاك ما يدانوا
 أيام طاليه ما من مصايب عانوا...وفيهم اللي صارت لهم تصغيره
 حرمة التمه والكرامه صانوا.....الله كريم عاطيهم نفوس كبيره

وين يا مقبومه.....جيرانك اللي كانوا تريس قرومه
 سوال النبي ما جن جحافل روما...من شور البحر وأعلن الجيش نفيده
 وصار يوم فالصفاصاف تك لحومه.....ويا تيستا جيف وجيف غيره
 وعبد الرحيم أمهدي خيرة قومه.....استشهد ورأيه هو الرأي الخيره
 وما من اللي كيفه أبعد اللومه...عطى الروح كي وطنه أغلي تسعيره

أحكي لا تاوي.....بالله وين بو المهدي ووين أمداوي
 وبالله وين من وكر بها الجلاوي.....ولريد اللي تحتك أعلي تقذيره
 في لعبة الشيزه قديم اسطاوي.....أن حصل البادي ما أيفكه غيره
 وبالله وين بو بلعز الوجه الضاوي...ويو كنز سمح الطبع في تبصيره
 وبالالك بوقمره أقبي حيطاوي.....او وزيك وين وبوشناف أو غيره
 والشايب اللي كمل العمر أبجاوي...أن كان هو مشى يقدع الا أبظهيره
 نلقاها أنهم كانوا تريس مقاوي.....واليوم تموا من أرقود الصيره
 عليهم ذرفت الدمع عقلي شاوي.....اللي اليوم تموا فالتراب طميره

رثاء لوالده عبد المولى الزول :

ما من أزويل مليح - شحات 2001/6/5م

ما من أزويل مليح تاق أو عدى...
 تاق أهلاله.....
 رسول العناية من كريم تعالي
 وأيام قبل كان الكل حد ثماله.....
 وفي بعثته جايب أحكام عداله.....
 خطرها الا الدنيا اللي حواله.....
 ليام عالبنادم بيرمن بالداله.....
 وكيف ما مشى يمشن سنين الشدة
 ومعا جيته جاء نور داير هاله
 جاب آيته والسيف قوى يده
 وفي فتح مكه جا محمد هده
 حلال وحرام وكل شئ له حده
 ضي وظلام وكل شئ له ضده
 أيجن فالطبيعه كل يوم أبيضده

مشى في الحين.....
 خطرها على قصة الحسين.....
 اللي مثلوا به ناس مرتدين.....
 ما أتقول بوه من أكبر أنصار الدين.....
 خطرها الا ليام والتكوين.....
 ومره ومره البارق أبرمشة عين
 في كريلاء عصيان داروا ضده
 جو أبجيش مداعي أستاعر صده
 ولا تقول سيدنا محمد جده
 مداولات ما بين الرخا والشده

تاق علينا.....
 ولا عد أيطل نهار وأيزهينا.....
 ولا يوم عيد أيتوق وأيزهينا.....
 خطرها الوقت اللي تفاسل فينا.....جا وخذ اللي ما ود يسوى وده
 أجعل مقامه في أجوار نبينا.....الشايب اللي عدى بدون معده
 ورد لا ورا ما عد نهار أيجينا
 جميع الدروب العودته منسده
 ولا عد أنحبوا جبهته لا يده

حضر المبروك الزول في اواخر ايامه تفجير برجى التجاره العالمية بالولايات المتحده
 الأمريكية في 11 سبتمبر سنة 2001م ولم يعجبه تصريح جورج بوش أنه لا بد من شن
 حرب صليبيه جديده ضد الأسلام .

رفض المبروك الزول هذه التهمة والحرب الصليبية فكتب هذه الأبيات التي تعتبر

آخر قصيدة غير كاملة في حياة المبروك الزول

ياريتتى صامد امعا بن لادن منحاشن النجمه والصليب تعادن

انعيش امعا وان خاض حرب انخوض نا واياه..

وانكون جندى من جنود الله والحرب خدعه والرجال معادن